



唐甫里先生集卷之三

唐笠澤陸龜蒙魯望著

明甫里許自昌玄祐校

五言古詩

和古杉三十韻

衆木盡相遺孤杉獨任奇
插天形磈兀當殿勢敝危
恐是夸娥怒教臨截薛衰
節穿開耳目根癭坐熊羆
世只論榮落人誰問等衰
初危切有巔從日上無葉與
秋欺虎搏應難動鷓蹲
不敢遲戰鋒新缺齧燒岸黑

駭鬻闖死龍骸雜爭奔鹿角差肢銷洪水腦稜聳梵
 天眉磔索珊瑚湧森嚴獬豸窺向空分犖指衝浪出
 鯨鬚楊僕船撞在蚩尤陣燾隳下連金粟固高用鐵
 菱披挺若苻堅榘浮于祖納椎崢嶸驚露鶴趨趣閔
 雲螭傍宇將支壓撐霄欲抵隲背交蟲臂搨相向鷗
 拳追格音各筆差初加反猶立階干卓未麾鬼神應暗畫
 風雨恐潛移已覺寒松伏偏宜后土疲好邀清嘯傲
 堪映古茅茨材大應容蝎年深必孕夔後凋依佛氏
 初植必僧彌寺即東晉王家別墅僧彌王珉小字擁腫煩莊辯槎牙費
 庾詞詠多靈府困搜苦化權卑類既區中寡朋當物
 外推蟠桃標日域珠草侍仙墀真宰誠求夢春工幸
 可醫若能噓嶰竹猶足動華滋

和新秋三十韻

身閒唯愛靜籬外是荒郊地僻憐同巷庭喧厭累巢
 岸聲搖舴艋窓影辨鱗蛸逕祗溪禽下關唯野客敲
 竹岡從古凸池綠本來顛早藕擎霜節涼花束紫梢
 漁情隨錘網獵興起鳴髀好夢經年說名方着處抄
 木疎唯自補技癢欲誰抓牕靜常懸雜鞭閑不正鞘

山衣輕斧藻天籟逸弦匏蕙展風前帶桃烘雨後膠
鮮乾粘晚砌煙濕動農庖沈約便圖籍揚雄重酒肴
目曾窺絕洞耳不犯征鏡曆外窮飛朔著中記伏爻
石林空寂歷雲肆肯曉饒松桂何妨蠹龜龍亦任嘲
未能丹作髓誰相紫爲胞莫把榮枯異但平和大小
包由弓猿不捷梁圈虎忘虓舊友懷三益關山阻二
嶠道隨書麓古時共釣輪拋好作忘機士須爲莫逆
交看君馳諫草憐我臥衡茅出處雖冥默薰蕕肯溷
殺岸沙從鶴印崖蜜勸人攔白菌盈枯枿黃精綠滿

背仙因隱居信禪是淨名教勿謂江湖水終浮一大
泡

奉和江南書情二十韻寄秘閣韋校書貽之商

洛宋先輩垂文二同年次韻

我志如魚樂君詞稱鳳銜暫來從露冕何事買雲巖
水石應容病松篁未聽讒鐘香杉蠹膩山信藥苗緘
愛鷺敵危立思猿矍鑠謝才偏許眺阮放最憐咸
大樂寧忘缶竒工肯顧瑛客愁迷舊隱鷹健想秋冕
硯缺猶慵琢文繁却要艾雨餘幽沼淨霞散遠峯巉

洗筆煙成段培花土作杕訪僧還覓伴醫鶴自須監
荒廟猶懷李清灘幾夢嚴背風開蠹簡衝浪試新帆
悶憶年支酒閒裁古樣衫釣家隨野舫仙蘊逐雕函
度歲賒羸馬先春買小蠟共疏泉入竹同坐月過杉
染翰窮高致懷賢發至誠不堪潘子鬢愁促易髟髟
和憶洞庭觀步十韻次韻

聞君遊靜境雅具更撸撸竹傘遮雲逕藤鞋踏蘚缸
杖斑花不一樽大瘦成雙水鳥行沙嶼山僧禮石幢
已甘三秀味誰念百牢腔遠棹投何處殘陽到幾牕

仙謠珠樹曲村餉白醅缸地里方吳會人風似冉厖
探幽非遯世尋勝肯迷邦爲讀江南傳何賢過二龐

和諫議罷郡敘懷六韻

已報東吳政初捐左契歸天應酬苦節人不犯寒威
江上思重借朝端望載飢紫泥封夜詔金殿賜春衣
對酒情何遠裁詩思極微待升鎔造日江海問漁扉

雜諷九首

紅蠶綠枯桑青繭大如甕人爭揆力結力計二切其臂羿矢
亦不中微微待賢祿一一希入夢縱操上古言口噤

難卽貢蛟龍在怒水拔取牙角弄丹穴如可游家家
畜孤鳳凶門尚兒戲戰血波瀕溶社鬼苟有靈誰能
遏秋慟

又

童廩來觸犀德力不相及伊無愜心事祇有碎首泣
况將鵬蠹校數又百與十攻如餓鴟叫勢若脫兔急
斯爲朽關鍵怒犖抉以入年來橫干戈未見拔城邑
得非佐饗者齒齒待啜汁羈維豪傑輩四駭方少繫
此皆乘時利縱舍在呼吸吾欲斧其吭無雷動幽蟄

又

鵝鵝憐于冰陸立懷所適斯人道仍悶不得不鳴呃
當時布衣士亦作天子客至今東方生滿口自誇白
終爲萬乘交談笑無所隔致君非有書乃是堯舜畫
祇今侯門峻日掃貧賤迹朝趨九韶音暮列五鼎食
如聞恭儉語寒寒事夕惕可拍伊牧肩功名被金石
又

赤舌可燒城讒邪易爲伍詩人病之甚敢俾投豺虎
長風吹窾木始有音韻吐無木亦無風笙簧由喜怒

女媧鍊五石天缺猶可補當其利口銜罅漏不復數
元精遺萬類雙目如牖戶非是旣相參重瞳亦爲瞽

又

東南有狂兇獵者西北矢利塵日冥冥獨此清夜止
無人語其事偶坐窺天紀安得東壁明洪洪用墳史
搜陽好古士一以罄雲水流堪灑菁英風足去稗秕
如能出奇計坐可平賊壘徐陳義皇道高駕太平軌
攫疏成特雄濯垢爲具美貢賢當上賞景福視所履
永播南薰音垂之萬年耳

又

有槩何青青空城雪霜裏千林盡枯槁苦節獨不死
他遭匠石顧摠入犧黃美遂得保天年私心未爲恥
高徒宿梟怪下亦容螻蟻大厦若掄材亭亭託君子

又

左右佩劍者彼此亦相笑趨時與閉門喧寂不同調
潛機取聲利自許臻乎妙志士以神窺慚寂真可弔
天之發遐籟大小隨萬竅魁其鑪冶姿形質惟所召
鼗笙磬竽瑟是以登清廟伊聖不吾欺誰能守蓬藿

又

橫笛鳴秋風清商入疏越君居不夜城肯怨孤戍月
吳兵甚犀利太白光突兀日已費千金塵一作聞侵
一撥豈無惡年少縱酒遊俠窟募爲敢死軍去以梟
叛卒豈無中林士貫穿學問骨兵法五十家浩蕩如
溟渤高懸鹿皮睡清潤時依樾分已諾煙霞全遺事
干謁旣非格猛獸未可輕華髮北面師其謀幾能止
征伐何妨秦董勇又有曹劇說堯舜尚狗芻公乎聽
無忽

又

朝爲壯士歌暮爲壯士歌壯士心獨苦傍人謂之何
古鐵久不快倚天無處磨將來易水上猶足生寒波
捷可搏飛狄健能超橐駝群兒被堅利索手安馮河
驚飈掃長林直木謝植科嚴霜凍大澤僵龍不如蛇
昔者天血碧吾徒安歎嗟

美人

美人抱瑤瑟哀怨彈別鶴雌雄南北飛一旦異栖託
諒非金石性安得宛如昨生爲並蒂花亦有先後落

秋林對斜日光景自相薄猶欲悟君心朝朝佩蘭若
感事

將軍被鮫函祗畏金矢鏃豈知讒箭利一中成赤族
古來信簧舌巧韻淒鏘曲君聞悅耳音盡日聽不足
初因起毫髮漸可離骨肉所以達賢心求人須任目

素絲

園客麗獨繭詩人吟五纒如何墨子淚反以悲途窮
我意豈如是願參天地功爲綫補君袞爲絃繫君桐
左右修闕職官商還古風端然潔白心可與神明通

次幽獨君韻

落日送萬古秋聲含七哀枯株不蕭瑟枝幹虛崔嵬
伊昔臨大道歌鍾醉高臺高臺今已平祗有春風迴
明月白草死積陰荒壠摧聖賢亦如此慟絕真悠哉

贈遠

茱萸匣中鏡欲照心還懶本是細腰人別來羅帶緩
從君出門後不奏雲和管妾思冷如簧時時望君暖
心期夢中見路永魂夢短怨坐泣西風秋牕月華滿

江墅言懷

病身兼稚子田舍劣相容跡共公卿絕貧須稼穡供
月方行到閨霜始近來濃樹少棲禽雜村孤守犬重
汀洲藏晚弋籬落露寒春野弁欵還整家書拆又封
杉篁宜夕照牕戶憶疎鐘南北唯聞戰縱橫未勝農
大春雖苦學叔夜本多慵直使貂裘弊猶堪過一冬

自和

命既時相背才非世所容著書糧易絕多病藥難供
夢爲懷山數愁因忌酒濃鳥媒呈不一魚寨下仍重
脫帽裘兼褐晴簷織帶春者籤分水味標石認田封

此地家三戶何人祿萬鍾草堂聊當貴金穴任輕農
把釣竿初冷題詩筆未慵莫憂寒事晚江上少嚴冬

村夜

江上冬日短徘徊草堂暝鴻當絕塞來客向孤村病
絲絲起歸念咽咽與微詠菊徑月方高橘齋霜已併
盤飧蔬粟粗史籍籤牌盛目冷松桂閒耳喧兒女競
開瓶浮蟻綠試筆秋毫勁書戶亦重關寒屏遞相映
詩從騷雅得字費鉛黃正遇敵舞蛇矛逢談捉犀柄
無名升甲乙有志扶荀孟守道希昔賢爲文通古聖

幽憂廢長劍顛顛慙清鏡祇會魚鳥情詎知時俗性
浮虛多狗勢老懶徒歷聘既不務人知空餘樂天命
如何在田野家事苦遼夏耕稼一以微困倉自然罄
愁襟風葉亂獨坐燈花迸明發成浩歌誰能少傾聽

又

世既賤文章歸來事耕稼伊人著農道

亢倉子有農道篇

我

亦賦田舍所悲勞者苦敢用辭爲詫祗效芻牧言誰
防輕薄罵嘻今居寵祿各自矜雄霸堂上考華鐘門
前軒高駕織洪動絲竹水陸供鱸炙小雨靜樓臺微

風動蘭麝吹噓川可倒眎花爭姹萬戶膏血窮一

筵歌舞價安知勤播植卒歲無閒暇種以春音鳥音初

穫從秋隼下專專望種稑搯搯條桑柘日晏腹未充

霜繁體猶裸平生守仁義所疾唯狙詐上誦周孔書

沈湎至酣藉豈無致君術堯舜馳一作上下豈無活

國方頗牧齊教化蛟龍任乾死雲雨終不借弄臂束

如囚徒勞誇善射才能誚箕斗辯可移嵩華若與吐

輩量飢寒殆相亞長吟倚清瑟孤憤生遙夜自古有

遺賢吾容偏稱謝

紀事

蜀本作二首

本作漁釣徒心將遂疎放苦為飢寒累未得恣閒暢
 去年十二月身住雪溪上病裏賀豐登雞豚聊饋餉
 巍峩下山雪凝冽不可向瘦骨倍加寒徒為厚繒纈
 晴來露青靄千仞缺尋文臥恐玉華銷時時推枕望
 雖然榮衛困亦覺精神王把筆強題詩粗言瓌怪狀
 吳興鄭太守文律頗清壯鳳尾與鯨牙紛披落新唱
 緘書寄城內唐突無以况料峭採蓮船縱橫簸天浪
 方傾謝公詠忽值莊生喪

鄭員外仁規是年受代俄喪偶

默默阻微

音臨風但惆悵春歸殆秋末固自嬰微恙歲晏

一作早

弗躬親何由免欺誑今來觀刈穫乃在松江並

步浪切

門外兩潮過波瀾光蕩漾都緣新卜築是事皆艸創

爾後如有年還應愜微

一作收

尚天高氣候爽野迴襟

懷曠感物動牢愁憤時頻骯

口浪切

髒

子朗切

平生樂篇

翰至老安敢忘駿骨正牽鹽玄文終覆醬嗟今多赤

舌見善唯蔽謗付度大為防涵容寬作量圖書筐篋

外關眼皆騰長餓隸亦勝無薄田家所仰稍離飢寒

患學古真可強聖道庶經營世途多踉蹌近聞天子

詔復許私醞釀趨促使奉酒材呼兒具盆盞宵長擁
吟褐日晏開書幌我醉卿可還陶然似元亮

孤鴈

我生天地間獨作南賓鴈哀鳴暮前侶不免飲啄晏
雖家小雅詠未脫魚網患矧是婚禮須憂爲弋者篡
晴鳶爭上下意氣苦淩慢吾常嚇鴛鴦雖爾輩何足訕
迴頭語晴鳶汝食腐鼠慣無異鴛鴦駘群戀短豆早棧
豈知瀟湘岸葭茨蘋萍間有石形狀奇寒流古來灣
閒看麋鹿志了不愛芻豢世所重巾冠何妨野夫巾

騷人誇蕙芷易象取陸莧漆園逍遙篇中亦載尺鷃
汝惟才性下嗜好不可諫身雖慕高翔糞壤長 盼

或聞通鬼魅怪祟立可辨若族書尚存寧容恣妖幻

若族周禮秋官司寇下若族氏掌覆天鳥之巢若鄭
司農讀爲擿又他歷反族讀爲爵族之族謂巢也

南涇漁父

一作南溪

予方任疎慵地僻卽所好江流背村落偶往心已嫪
力報切田家相去遠岑寂且縱傲出戶手先筇見人頭

未帽南涇有漁父往往攜稚造問其所以漁對我真
踏道吾初籍魚鼈童巾至于耄窟穴與生成自然通

壺奧孜孜戒吾屬天物不可暴大小參去留候其孳
養報終朝獲漁利魚亦未嘗耗同覆天地中違仁辜
覆燾余觀爲政者此意諒難到民皆死搜求莫肯與
愍悼今年川澤旱前歲山源潦牒訴已盈庭聞之類
禽噪譬如豢雞鶩豈不容乳抱孟子譏宋人非其擾
苗躁吾嘉漁父旨雅叶賢哲操儻遇採詩官斯文誠
敢告

引泉

睦州龍興觀
老君院作

上嗣位六載吾宗刺桐川余來拜旌戟詔下之明年

是時春三月繞郭花蟬聯嵐盤百萬髻上插黃金鈿
授以道士館置榻于東偏滿院聲碧樹空堂形老仙
本性樂凝澹及來更虛玄焚香禮真像盥手披靈編
新定山角角烏龍獨巉然除非淨睛目不見蒼崖巔
上有擎雲峰下有噴壑泉泉分數十汊落處皆崢嶸
寒聲入爛醉聒破西牕眠支筇起獨尋祗在墻東邊
呼童具畚鍤立鑿莓苔穿濛濛一派墮練帶橫斜牽
亂石拋落落寒流響濺濺狂奴七里瀨縮到疎檻前
跳花潑半散涌沫飛旋圓勢束三峽掛瀉危孤磴懸

曾聞瑤池溜亦灌朱艸田鳧伯弄翠藥鸞雛舞丹煙
 凌風揆桂梅隔霞馳犀船况當玄元家嘗著道德篇
 上善可比水斯文參五千精靈若在此肯惡微波傳
 不擬爭滴瀝還應會淪漣出門後一作復飛箭合勢浮
 青天必有學真子鹿冠秋鶴顏如能輔余志日使疏
 其源

秋日遣懷十六韻寄道侶

盞日臨風坐雄詞妙畧兼共知時世薄寧恨歲華淹
 且把靈方試休憑古夢占夜燃燒汞火朝鍊洗金鹽

有路求真隱無媒舉孝廉自然成嘯傲不是學沈潛
 水恨同心隔霜愁兩鬢霑鶴屏憐掩扇烏帽愛垂簷
 雅調宜觀樂清才稱典籤冠敝玄髮少書健紫毫尖
 故疾因秋召塵容畏日黔壯圖須行行儒服謾襜襜
 片石聊當枕橫煙欲代簾蠹根延穴蟻疎葉漏庭蟾
 藥鼎高低鑄雲庵早晚苦胡麻如重寄從誚我無厭

唐甫里先生集卷之四



唐笠澤陸龜蒙魯望著

明甫里許自昌玄祐校

五言古詩

紀夢游甘露寺

寺在京口
北固山上

昔臥嵩高雲雲窓正寒夕披裘忽生夢似到空王宅
我天一峯立欄楯橫半壁級倚綠巔差關臨赤霄闢
捫虛陟孤峭不翅千餘尺疊掌望杳忽分明袒肩釋
凌香稽首罷嘹嘒
高戶承北風聲號太波白

光中目難送定驗方可覲樹細鴻濛烟島疎零落碧
 須臾群籟入空水相噴激積浪亞寒堆呀如闢危石
 跳音簇鞞鼓濺沫交矛戟鳥疾帆亦奔紛紛助勅敵
 思非水靈怒卽是飢龍擘怯懾不敢前荷襟汗霑露
 迴經定僧處泉木光相射巖嶝雲族栖松柯露華適
 逍遙得真趨邈迤尋常跡山腹貯孤亭嵐根四垂帟
 誰題雪月句乃是曹劉格愛樹亭有故太尉房公詩閨闕一枝瓊
 邊樓數聲笛吟高矍然起若自蒼旻擲短燭望餘花
 圓蟾掛斜魄自從神錫境無處不登陟忽上石用徐山

心期豁而獲豈伊煩惱骨合到清涼域暗得蝴蝶身
 幽奇盡相識奈何有名氏未列金閨籍翻慙非頂童
 得奉真如策雲濤觸風望毫管和烟搦聊紀夢中遊
 留之問禪客

京口與友生話別

共是悲秋客相逢恨不堪鴈頻辭薊北人尚在江南
 名利機初發樵漁事先諳松門穿戴寺荷徑繞秦潭
秦潭始皇所開繩檢真難束疎慵却易耽枕當高樹穩茶試
 遠泉甘架上經唯一樽前雅祗三風雲勞夢想天地

入醺酣曆自堯階數書因禹穴探御龍雖世祿下馬
亦清譚國計徒盈策家儲不滿甌斷簾從燕出敝弁
倩人簪木墜涼來葉山橫霽後嵐竹牕深窸窣苔洞
綠龕弁積行依顏子和光則老聃杖誠爲虎節披信
作鮫函養鷺看窺沼尋僧助結庵功名思馬援歌唱
咽羊曇乞食羞孤鳳無衣羨八蠶繫帆留宿客吟句
任羸驂寵鶴空無衛占烏未見鄆香還須是桂青會
出於藍蜀酒時傾甌蕭蕢反從蜀呼吳鰕徧發坭苦甘玉封
千挺藕霜閉一筒柑惜珮終邀禍辭環好激貪宗溟

雖叨澮成厦必榱桷碧石雕琴薦黃金飾劔鐔煙綠
沙砌引水爲藥畦擔博物君能繼多才我尚慙別離
猶得在秋鬢未髮髮

丹陽道中寄友生

煙樹綠微微春流浸竹扉短簑携稚去孤艇載魚歸
海俗蘆編室村娃練束衣舊栽奴橘老新刈女桑肥
錦鯉衝風擲絲禽掠浪飛短亭幽徑入陳廟數峰圍
地廢金牛陵荒石獸稀思君同一望帆上怨餘暉

寄茅山何道士

終身持玉舄丹訣未應傳况是曾同宿相違便隔年
問顏知更少聽話想踰玄古錄文垂露新金永絕烟
蜂供和餌蜜人寄買溪錢紫燕長巢硿青龜忽上蓮
篋藏徵隱詔囊佩攝生篇圃暖芝臺秀巖春乳管圓
池栖子孫鶴堂宿弟兄仙幸閱靈書次心期賜一編

江南秋懷寄華陽山人

櫛髮涼天曙含毫故國情歸心一夜極病體九秋輕
忽起檐榆詠因悲絡緯鳴逢山卽堪隱何路可圖榮
揲策空占命持竿不釣名忘憂如有待縱嬾似無營

小徑纔分艸斜扉劣辨荆冷荷承露葍疎菊臥烟莖
譜爲聽琴閱圖緣看海橙鷺毛浮島白魚尾撒波頰
庭橘低攀嗅園葵旋折烹餓鳥窺食案鬪鼠落書棚
種豆悲楊惲投瓜憶衛旂東林誰處士南郭自先生
分野星多蹇連山卦少亨衣裾徒博大文籍漫縱橫
蘭葉騷人佩萼絲內史羹鴉冠難適越羊酪未饒僮
倚嘯微抽恨論玄好析醒栖遲勞鼓篋豪俠愛金羸
鍊藥傳丹鼎嘗茶試石甌沼連枯葦暗牕對脫梧明
未達譏張翰非才嫉禰衡遠懷魂易黯幽憤骨堪驚

腐缺知矛利磨瑕見璧瑛道源疏滴瀝儒肆售精誠
敢歎良時擲猶勝亂世櫻相秦猶幾死王漢尚當黥
飲啄期應定窮通勢莫爭髡鉗爲皂隸譚笑得公卿
浴日安知量追風不計程塵埃張耳分肝膽季心傾
論蜀專操檄通甌獨請纓匹夫能曲踊萬騎可橫行
許國輕妻子防邊重戰耕俄分上尊酒驟厭五侯鯖
靜默供三語從容等一枰弘深司馬法雄傑貳師兵
朔雪埋烽燧寒笳裂旆旌乘時收句注卽日掃攬槍
武昔威殊俗文今被八紘琮璜陳始畢韶夏教初成

芽孽群妖滅松筠百度貞郎官青瑣拜使者繡衣迎
帝道將雲闢澆波漸砥平學徒羞說霸佳士耻爲跽
負杖歌栖畝操觚賦北征才當曹斗怯書比惠車盈
謝氏憐兒女邾家貴舅甥唯荒稚珪宅莫贈景山鎗
賢彥風流遠江湖思緒榮謳啞搖舴艋出沒漾鷓鴣
晚樹參差碧奇峰邈迤晴水喧楸紫茱村響哢香秔
荷笠漁翁古穿籬守犬獐公衫白紵卷田餉綠筍擎
地與膏腴錯人多富壽并相懼時帖泰獨坐歲崢嶸
唧嘖蛩吟壁連軒鶴舞楹戍風飄疊鼓隣月動哀箏

未得文章力何由俸祿清和鉛還搢搢持斧自丁丁
驚懼疑凋朽功勤過屑瓊凝神披夕秀盡力取朝英
蠹簡開塵篋寒燈立曉檠靜翻詞客系閒難史官評
天地寧舒慘山川自變更祗能分跣惠誰解等殤彭
項豈重瞳聖夔猶一足鬻阮高酣麴蘖莊達謝犧牲
齟舌無勞話寬心豈可盛但從鑪冶鍛莫受罽羅嬰
硯撥萍根洗舟衝蓼穗撐短牀編翠竹低几凭紅檉
霜信催楊柳烟容裏杜衡桁排巢燕燕屏畫醉猩猩
嬾檜推嵐影飛泉撼玉琤艤舸尋遠近握槳闢輸贏

技壓離披瓠簷垂礪磊橙忘情及宗柄抱疾過劉楨
野饋夸菰飯江商賈蔗錫送神枹瓦釜留客上瓷觥
舉楫揮青劍鳴榔扣遠鉦鳥行沈莽蒼魚隊破泓澄
手戟非吾事腰鎌且發硎音坑諒難求標標上聲聊欲取

錚錚幾歎蟲甘蓼還思鹿美苹愁長難自剪歌斷有
誰賡未去師黃石空能說白珩性湍休激浪言莠罷
抽萌地僻琴罇獨溪寒杖屨清物齊消臆對戈倒共
心盟絲曳靈妃瑟金涵太子笙幽棲膠竹塢仙慮驛
蓬瀛想像珠襦鳳追飛翠藥鶯霧簾深杳悄雲磬冷

南里先生集卷四
三頁五
敲鏗籙字多階品華陽足弟兄焚香疑一室盡日思
曾城匿景崦嵫色呀空渤海聲吾當營巨黍東去射
長鯨

送宣武從事越中按獄

曉看呈使範知欲敕星軺水國難驅傳山城便倚橈
秉籌先獨立持法稱高標旌旆臨危堞金絲發麗譙
別愁當翠巘窵望隔風潮木落孤帆迴江寒疊鼓飄
客鴻吳島盡殘雪剡汀消坐想休秦獄春應到柳條

七言排律

寄懷華陽道士

華陽門外五芝生食罷愁君入杳冥遙夜獨栖還有
夢昔年相見便忘形爲分科斗親鉛槧與說蜉蝣坐
竹榻醮後幾時歸紫閣別來終日誦黃庭閒教辨藥
僮名甲靜識窺巢鶴姓丁絕澗飲羊春水膩傍林燒
石野煙腥深沈谷響含疎磬片段嵐光落畫屏休採
古書探禹穴自刊新曆闢堯窠珠官鳳合迎蕭史玉
籍人誰訪蔡經架上黑椽長褐穩案頭丹篆小符靈
霓軒入洞齊初月羽節升壇拜七星當路獨行衝虎

豹向風孤嘯起雷霆凝神密室多生白敘事聯編盡
殺青匝地山川皆暗寫隱天竿籟祗聞聽分張火力
燒金竈拂拭苔痕洗酒餅翠壁上吟朝復暮暖雲邊
臥醉還醒倚身長短裁筇杖倩客高低結草亭直用
森嚴朝北帝愛將清淺問東溟常思近圃看栽杏擬
借隣峯伴采苓揜樹半扉晴靄靄背琴殘燭曉熒熒
舊來捫虱知王猛欲去爲龍歎管寧蟾魄幾應臨蕙
帳漁竿猶尚枕楓汀銜煙細草無端綠冒雨閑花作
意馨掠岸驚波沈翡翠入簷斜照礙蜻蜓初征漢棧

宜飛檄待破燕山好勒銘六轡未收千里馬一囊空
負九秋螢我悲雌伏真方柄他騁雄材似建瓴合在
深崖齊散木自求滄海點流萍頻拋俗物心還爽遠
憶幽期目剩瞑見買扁舟束真誥手披仙語任揚舲

唐甫里先生集卷之五

唐笠澤陸龜蒙魯望著

明甫里許自昌玄祐校

五言八句詩

螢

肖翹雖振羽成促盡疑冰風助流還急烟遮點暫凝
不須輕列宿纔可擬孤燈莫倚隋家事曾煩下詔徵

蟬

祗憑風作使全仰柳爲都一腹清何甚雙翎薄更無

伴貂金換酒并雀畫成圖恐是千年恨偏令落日呼

秋熱

自昔秋捐扇今來意未衰殷勤付柔握浙瀝待清吹
午氣朱崖近宵聲白羽隨摠如南國候無復婕妤悲
村中晚望

抱杖柴門立江村日易斜鴈寒猶憶侶人病更離家
短鬢看成雪雙眸舊有花何須萬里外即此是天涯

漁具 并序

天隨子戲于海山之顏有年矣矢漁之具莫不窮

極其趣大凡結繩持網者總謂之網罟網罟之流

曰笮曰罾曰罟 側交反 圓而縱捨曰罩挾而升降曰

因 女減反 緝而竿者總謂之筌筌之流曰筒曰車橫

川曰梁承虛曰笥編而沈之曰筴 音甲 矛而卓之曰

藉 音冊 棘而中之曰叉鏃而綸之曰射扣而駮之

曰根 以薄板置瓦器上繫之以驅魚 置而守之曰神 鯉魚滿三百六十歲蛟龍

輒率而飛去年置一神守之則不能去矣神鼈也 列竹于海澨曰滬 吳之滬瀆

是錯薪于水中曰簠 糝 所載之舟曰舩舩所貯之

器曰苓箸其他或術以招之或藥而盡之皆出于

詩書雜傳及今之聞見可考而驗之不誣也今擇
其任詠者作十五題以諷噫矢魚之具也如此余
既歌之矣矢民之具也如彼誰其嗣之鹿門子有
高灑之才必爲我同作

網

大罟網目繁空江波浪黑沈沈到波底恰共波同色
牽時萬鬢入已有千鈞力尚悔不橫流恐他人更得

罟

左手揭圓罟輕橈弄舟子不知潛鱗處但去籠烟水

時穿紫屏

一作萍

破忽值朱衣起

松江有朱衣鮒

貴得不貴名

敢論魴與鯉

凶

有意烹小鮮乘流駐孤棹雖然煩取捨未肯求津要
多爲蝦蜆誤已分鷓鴣笑寄語龍伯人荒唐不同調

釣筒

短短截筠光悠悠臥江色蓬差艣相應兩慢煙交織
須臾中芳餌迅疾如飛翼彼竭我還浮君看不爭得

釣車

南里先生集卷五
溪上持雙輪溪邊指茅屋閑乘風水便敢議朱丹轂
高多倚衡懼下有折軸速曷若載道遙歸來臥雲族

魚梁

能編似雲薄橫絕青川口缺處欲隨波波中先置筍
投身入籠檻自古難飛走盡日水濱吟殷勤謝漁叟

叉魚

春溪正含綠良夜才參半持矛若羽輕列燭如星爛
傷鱗跳密藻碎首沉遙岸盡族染東流傍人作佳翫

射魚

彎弓注碧潯掉尾行涼沚青楓下晚照正在澄明裏
抨弦斷荷扇濺血殷菱葉若使禽荒聞移之暴煙水

鳴榔

水淺藻荇澁釣罩無所及鏗如木鐸音勢若金鉦急
毆之就深處用以資俯拾搜羅爾甚微遁去將何入

滄

吳人今謂之簞

萬植禦洪波森然倒林薄千顛咽雲上過半隨潮落
其間風信背更值雷聲惡天道亦哀多吾將移海若

簞

吳人今謂之叢

新木置水中枝條互相救寒魚遂家此自以爲生計
春冰忽融冶盡取無遺裔所託成禍機臨川一凝睇

種魚

鑿池收頰鱗疎疎置雲嶼還同汗漫遊遂以江湖處
如非一神守潛被蛟龍主蛟龍若無道跋鼈亦可禦

藥魚

香餌綴金鈎目中懸者幾盈川是毒流細大同時死
不惟空飼犬便可將貽蟻苟負竭澤心其他盡如此

舴艋

篷棹兩三事天然相與閒朝隨稚子去暮唱菱歌還
倚石遲後侶徐橈供遠山君看萬斛載沈溺須臾閒

筇簿

誰謂筇簿小我謂筇簿大盛魚自足食寘壁能爲害
時將刷蘋浪又取懸藤帶不及腰上金何勞問著蔡
和添漁具五篇

漁庵

結茅次煙水用以資嘯傲豈謂釣家流忽同禪室號
閒憑山叟占晚有溪禽嫪華屋莫相非各隨吾所好

釣磯

揀得白雲根秋潮未曾沒坡陀坐龜背散漫垂龍髮
持竿從掩霧置酒復待月卽此放神情何勞適吳越

蓑衣

山前度微雨不廢小澗魚上有青襪襖下有新踞踈
滴瀝珠影泣離披嵐彩虛君看荷製者不得安吾廬

簞笠

朝携下楓浦晚戴出烟艇冒雪或平簷聽泉時仄頂
颺移靄然色波亂危如影不識九衢塵終年居下洞

背篷

斂手試江筠隨身織烟殼沙禽固不知釣伴猶初覺
閒從翠微拂靜唱滄浪濯見說万山潭漁童盡能學

樵人十詠

并序

環中先生謂天隨子曰子與鹿門子應和爲漁具
詩信盡其道而美矣世言樵漁者必聯其命稱且
常與隱君子事詩之言錯新禮之言負薪傳之言
積薪史之言吏薪非樵者之實乎不可足以寄興
詠獨闕其詞耶退作十樵以補其闕漏寄鹿門子

樵谿

山高谿且深蒼蒼但群木抽條欲千尺衆亦疑樸櫟
一朝蒙剪伐萬古辭林麓若遇燎玄穹微烟出雲族

樵家

草木黃落時比隣見相喜門當清澗盡屋在寒雲裏
山棚日纔下野竈烟初起所謂順天民唐堯亦如此

樵叟

自小卽胼胝至今凋鬢髮所圖山褐厚所愛山爐熱
不知冠蓋好但信烟霞活富貴如疾顛吾從老巖穴

樵子

生在蒼崖邊能諳白雲卷

去聲山家謂
養柴地爲卷

纔穿遠林去

已在孤峰上新和野花束步帶山詞唱日暮不歸來
柴扉有人望

樵逕

石脉青靄間行行自幽絕方愁山燎嬈更值雲遮截
爭推好林浪共約歸時節不似名利途相期覆車轍

樵斧

淬礪秋水清攜持遠山曙丁丁在前澗杳杳無尋處

南里先生集卷五
巢傾鳥猶在樹盡猿方去授鉞者何人吾今易其慮

樵檐

輕無斗儲價重則筋力絕欲下半巖時憂襟兩如結
風高勢還却雪厚疑中折負荷誠獨難移之贈來哲

樵風

朝隨早潮去暮帶殘陽返向背得清飈相追無近遠
採山一何遲服道常苦蹇仙術信能爲年華未將晚

樵火

積雪抱松塢蠹根燃艸堂深爐與遠燒此夜仍交光

或似坐奇獸或如焚異香堪嗟宦遊子凍死道路傍

樵歌

縱調爲野吟徐徐下雲磴因知負樵樂不減援琴興
出林方自轉隔水猶相應但取天壤情何求郢人稱

和酒中十詠

酒星

萬古醇酎氣結而成晶熒降爲嵇阮徒動與樽罍并
不獨祭天廟亦應邀客星何當八月槎載我遊青冥

酒泉

初懸碧崖口漸注青谿腹味既敵中山飲寧拘一斛
春疑浸花骨暮若酣雲族此地得封侯終身持美祿

酒筭

山齋醞方熟野童編近成持來歡伯內坐使賢人清
不待盎中滿旋供花下傾汪汪日可挹未羨黃金籬

酒牀

六尺樣何奇溪邊濯來潔槽深貯方半石重流還咽
閑移秋病可偶聽寒夢缺往往枕眠時自疑陶靖節

酒壚

錦里多佳人當壚自沽酒高低過反坫大小隨圓甌
數錢紅燭下滌器春江口若得奉君歡十千求一斗

酒樓

百尺江上起東風吹酒香行人落帆上遠樹涵殘陽
凝睇復凝睇一觴還一觴須知凭欄客不醉難爲腸

酒旗

摇摇倚青岸遠蕩遊人思風欹翠竹杠雨澹香醪字
纔來隔烟見已覺臨江遲大旆非不榮其如有王事

酒樽

南里先生集卷五
九
三百六十七
黃金卽爲侈白石又太拙斲得奇樹根中如老蛟穴
時招山下叟共酌林間月盡醉兩忘言誰能作天舌

酒城

何代驅生靈築之爲釀地殊無甲兵守但有糟漿氣
雉堞圯如狂女墻低似醉必若據而爭先登儀狄氏

酒鄉

誰知此中路暗出虛無際廣莫是隣封華胥爲附麗
三杯聞古樂伯雅逢遺裔自爾等榮枯何勞問玄弟
唐甫里先生集卷之五

